

Nullatenus legitime certat qui locum certaminis sui derelinquit, et signa suae militiae —804
deponit. Temptatio est haec vita; in temptationibus fortes estote, in tribulationibus
constantes, nihil dubitantes de remuneratione. Pauci sunt dies laboris, sed perpetui
sunt retributionis dies. Nolite turbare^a de paucitate vestra, dicente ipso duce nostro:

5 'Nolite timere pusillus grex, quia conplacuit patri vestro dare vobis regnum'. Luc. 12, 32.

Tantum absque murmuratione et taedio servite Deo in confessione regularis
vitae; numquam deerit remunerator Deus, si vestra non deerit vobis devotio in servi-
tute illius. Si quicquam pio patri congregationi vestrae placeat inmutare, vel renovare
congregationis vestrae, nolite murmurare inde; sicut enim prudentissima apis¹ de multis
10 floribus unam colligit dulcedinem, ita providus pater ex multorum colligere debet con-
versatione unum optime relegionis mel. Nullatenus in uno campo omnia florum genera
colliguntur, ita nec in uno quolibet omnis morum dignitas inveniri^b poterit; quidam
enim caritate abundat; quidam humilitate micat; quidam elymosinis fulget; quidam
sapientia claret; quidam sanctarum scripturarum cognitione laetatur. Ideo sapienti de
15 singulis singula elegenda sunt, ut fiat unius coronae splendor in animo Deum possi-
dente, qui dividit unicuique secundum mensuram suae voluntatis, vel possibilitatem
accipientis. 'Omnia probate, quod bonum est tenete'; id est: plurima considerate, 1. Thess. 5, 21.
optima quaeque eligite.

Opto Deumque deprecor, ut vester numerus augeatur et sanctis virtutibus sem-
20 per florescat, quatenus multi vestris bonis^c erudiantur exemplis, et vos multa mercede
in conspectu altissimi iudicis digni habeamini, beato Iohanne intercedente, et Christo
deo miserante, donante. Gratia caelestis vos provehat et in omni bono proficere
faciat, fratres carissimi.

273.

Alcvinus fratres ecclesiae Candidae-casae rogat, ut pro se precentur. Carmina de
25 *S. Nynia facta laudat. Mittit donum.* —804.

Codd. A 2 fol. 160'—161, A 1 p. 48 nr. 34. Partem huius epistolae habet Willelm. Malmesbir. Gesta pontiff. Angl. l. III p. 256^a.*

Edd. J 271 (ex parte Usserius de primordiis Britann. eccl. p. 669, Frobenius I, 297. — Migne col. 511).

30 VENERANDE DILECTIONIS FRATRIBUS IN LOCO DEO SERVIENTIBUS, QUI DICITUR CANDIDA
CASA², ALCHVINE^b DIACONUS SALUTEM.

Deprecor^c vestrae pietatis unanimitem, ut nostri nominis habeatis memoriam.
Intercedere pro mea parvitate dignemini in ecclesia sanctissimi patris vestri Nynia^d
episcopi, qui multis claruit virtutibus; sicut mihi nuper delatum est per carmina
35 metricae artis, que nobis per fideles nostros discipulos, Eboracensis aecclesiae
scolasticos, directa sunt. In quibus et facientis³ agnovi eruditionem et eius, per-
ficientis miracula⁴, sanctitatem^c per ea, quae ibi legebam.

Quapropter obnixius deprecor, ut sanctis orationibus vestris illius me precibus
commendare studeatis, quatinus per eiusdem patris vestri piissimas preces et vestrae
40 karitatis assiduas intercessionones peccatorum meorum veniam, deo Christo miserante,

^a) turbare H. ^b) invenire H. ^c) boni H.

273. ^a) Lemma: Epistola Albini magistri fratribus Candidae Casae A 1. ^b) Alchine A 2;
Alcvinus A 1*. ^c) Verba Deprecor — sanctitatem exstant apud Will. ^d) Niniani A 1*.

1) Cf. supra p. 169 n. 1 ep. 114; V. S. Willibrordi c. 4 (Mon. Alcuin. p. 43): ceu prudentissima apes
45 ... mellifluos pietatis carperet flores. 2) in Scotia, provinciae Glascuensis, Hwiterne. 3) poetae,
cf. Alc. Carmen v. 14 (Poet. Carol. I, 273): Talia namque placent vestro quia munera patri. 4) Cf. de
miraculis eius codicem Bambergensem B. II. 10.